

Կ Ա Ն Ո Ն

ՍՐԲՈՅՆ ԲԱՐՍՂԻ ԿԵՍԱՐԱՏԻՈՑ

ՕՐՀՆՈՒԹԻՒՆ ԲԿ.

Սյօր օծութեամբ թագաւո-
րեալ տոհմիս, թագաւորեաց
Տէրն և թագաւոր. թագ ա-
նուանակցիդ արքայութեան եր-
կնից կապեաց հովուել զհօտ իւր
բանաւոր, հայր Բասիլիոս, մայր թեա
առ Յիսուս:

Բամից երկնայնոց անմարմնական դա-
սուց մարմնով հաղորդեալ, զկար-
գըս հրեշտակական վարուց օրի-
նակաւ անձին՝ մարդկան կանոնեալ.
հայր Բասիլիոս:

Քահանայական պատմութեանք վայել-
չացեալ, ոգւով զգեցեալ զՔրիստոս,
զմարմին ի հոգի ոգևորք ծածկեալ
շնորհօք, Ոգւոյն աղբւր մշտահոս,
հայր:

Անշարժ հաւատոց քարոզ, հրեղէն
լեզու ճմարտութեան, խարխալ լեռ-
նացեալ նոր իսրայելի, սին բոցե-
ղէն ուղղիչ յերկրէ յերկինս համ-
բարձեալ, հայր:

Այսօր զոր ծնար մարդ ճմարիտ բը-
նութեամբ, հրեշտակք յերկնից Աս-
տուած ծանուցին զէիցս Արարիչ,
ներմարդանալ հարքն ի յերկրի քե
քարոզեցին. ընդ նոսին այսօր զքեզ
կոչսք երանեմք:

† Հօր թագաւորդ երկնաւոր, զգե-
ցար մարմին երկրաւոր, ճմարտե-
լով յանձին՝ զբնութիւն ծառայա-
կան, լցուցեր հնազանդելով Հօր
քոյ զօրէնս ստուերական. նոր ա-
զատութեան օրինաց՝ օրինադրող

կարգաց ցուցեր զԲասիլիոս սուրբ
եկեղեցւոյ:

Եղբ մարդ հնազանդ հօր՝ մարդկան
զուգակից, որ Եսպ Աստուած ծնո-
ղիդ էակից տնօրինաբար եղբ. ընդ-
քեզ, Յիսուս, ի նոր յայս Գաղղա-
ղայ, կտրել զյաւելուածս հերձուա-
ծոյ սրտիցն անթիփատից, զանփըշ-
րելի վէմն դայախազեայ զԲասի-
լիոս:

Թափեալ իւղ զանուն քո բուրեալ,
որ հաւատոց և վարուց թեւք այ-
սօր ամբարձեալ՝ որպէս մեղու զաս-
տուածաշունչ գրախտի ծաղիկս հա-
ւաքեալ, որ վեհ Մովսիսի զճմարիտ
հացդ ի յերկնից ետ նոր իսրայելի
զհօր պա(տա)րագի:

Որ քոյդ միածնի զիշխանն աշխարհի
կործանելով, Տիրուհի. դու նոյն
կրկին հայցմամբն Բասիլի երեւեալ
հրաման տայիր խոցոտել չարին
բռնաւորի զինուոն Մերկեւէի:

Ողւոց սովուն մահացու, Բասիլիոս
նոր հացատու, զբան հաւատոյն
սիւնեցեր, զաղտ հերձուածոց վա-
նեցեր:

Իւծեալ ցաւոց փարատիչ, քաղցեալ
անձանց կերակրիչ այրեաց զթածդ
այցելու, որբոց հայր և խնամա-
ծու:

Մաքրեալ յախտից նիւթական, Եր-
րորդութեանն օթարան, հրեղէն
սին Բասիլիոս՝ լեր բարեխօս առ
Քրիստոս:

Մարդկան աղինք քեւ փրկեալ, այսօր
զուարթնոցն երգակցեալ՝ գոչմը
ողջոյն քեզ բերկրեալ, Աստուածա-
ծին երանեալ:

ՀԱՐՑ ԴՁ

Որ զնախնեաց հարցն առ որդիս
գործ քրանչեղեաց նորոգեցեր յաշ-
խարհահեղեղ հերձուածոցն ալիս,
հայր աշխարհի զԲասիլիոս յեկե-
ղեցւոյ տապան ամման հաւատոյ
սերմն պահեցեր, աղաչանօք սորա
կեցոյ զմեզ, Տէր Աստուած հարցն
մերոց:

Որ զուղղափառ հաւատս օրհնիչ կըր-
կին նորով Աբրահամու յազգս սըփ-
ռեցեր. երբեակիդ անձանց բնու-
թեան միութիւն ի սուրբ սրտին
խորան յայտնեալ, զեկեղեցին ամուլ՝
նովաւ բազմորդի գոլ աւետեցեր.
աղաչանօք:

Որ ի բոլոր սրբոց խորհուրդ զերիս
մանուկնսն ի հրոյն ապրեցուցեր.
ի բազմապատիկ փորձութեանցն,
հուր՝ առ ի հանդէս մարտիցն ամուր
զԲասիլիոս պահեալ, զրոցն եկեղեց-
ւոյ նովին զուարթնոցն ի ցօղ փո-
խեցեր. աղաչան:

ՉՏէր օրհնեցէք բարձր (ար)արէք
զնա յաւիտեան:

Որ հօտին իւրոյ զգիշիւր մահուն սպառ-
նացեալ հայցմամբ ի տիւ լուսոյ
փոխարկեաց, և ընդ Դաւթի զա-
րըն պարսեաց. զՏէր օրհնեցէք:

Որ զաղբիւր գրախտի շնորհաց ոգ-
ւոյն վրտակաց, գեօտս ի սրտէ բըղ-
խեաց ջուր կենաց, և զքառակոյս
վայրս առօգեաց. զՏէր օրհնեցէք:

Որ իսրայելի նորոյ յայտնեալ Եղիայ
կրկին. ետուր յերկնից նոր ողջա-
կեղին ՚ի սուրբ խորհուրդն իջեալ
զոգին. զՏէր:

ՈՂՈՐԾԵԱ ԴԿ

Որ կըրկնակի Ոգւոյդ իջմամբ ի Յոր-
դանն, Հօր յայտնութեամբ զԲա-

սիլիոս Ոգւովդ օծեր, և միաճնիդ
կցորդեցեր. բարեխօսութեամբ սո-
րա ողորմեա մեզ Հայր Աստուած:

Չոր աշխարհի լոյս ծագեցեր, եկե-
ղեցւոյ պարիսպ արկեր. բանիւ պը-
սակ հայրապետաց, վարուք սահման
ճգնաւորաց. բարեխօսութեամբ սո-
րա ողորմեա մեզ, Որդի Աստուծոյ:

Որ զծածուկ խորս անյայտից՝ մեկ-
նեաց բանից մարգարէից. զառա-
քելոցն զչափ ելից՝ զաշխարհ մաք-
րեաց ՚ի յաղանդից. բարեխօսու-
թեամբ սորա ողորմեա մեզ, Ոգի
Աստուծոյ:

Որ զքո որդին Հօր էակից՝ ծանոյց
Աստուած արարչակից. համաբնու-
թիւն Որդւոյ զՈգին և զմայրդ որ-
դւոյ՝ Աստուածածին, առ քեզ մաղ-
թանօք նորա՝ բարեխօսեա վասն
մեր, ով Կոյս:

ՏԵՐ ՅԵՐԿՆԻՑ

Այսօր ընդ անմարմնոց զօրսն յեր-
կին, մարմնով հրեշտակն երկ-
նային Բասիլիոս, վերամբարձեալ
և սրովբէիցն երգակցեալ:

Այսօր զքանոն հաւատոյ կարգաց
սուրբ եկեղեցւոյ՝ վերընկալան ժո-
ղովքըն հարա(ն)ց յեկեղեցին անդ-
րանկաց:

Այսօր հովին անբիծ հօտից, մեծ
քահանայն վշտակից, ի սուրբ սրբոցն
մտանէ, ընդ վարագոյրն անցանէ:

Այսօր քարոզ Երրորդութեան բանին
մարմնոյ ի սեղան, մերձեալ մեզ միշտ
քահանայէ, զգրտունս արեան ըն-
ծայէ:

Այսօր խորոց Ոգւոյն մեկնող լեզուն
հրեղէն թարգմանող զանճառելիսն,
յերկնից փայլէ, ընդ լուաւորսն
ծագէ:

Այսօր բերան աստուածաբան զուար-
թունն անմահ օրհնաբան, յեկեղե-
ցիս միշտ կենդանի, ընդ հերձուա-
ծողն կագի:

Այսօր որ բան հայրապետաց, հան-

դիսադիր ճգնողաց. զկրօնից որ-
դիս միշտ կանոնէ, բաղմբ յերկինս
պարէ:

Այսօր որդւոյն քոյ ախոյեան վկայն

քո՝ զԱստուած ծննդեան հայր, ընդ
որդւոցս քեզ երգէ, փառք ի բար-
ձունս գրուատէ:

ՀԻՆ ՔՆԱՐ

ՏԱՂ ՍՐԲՈՅՆ ՍՏԵՓԱՆՆՈՍԻ



Մի վարակող պարծանաց սուրբդ առաջին մարտիրոսաց,
ի սկզբաւն նախնութաց բոլոր ամեն սարկաւազաց.
Կենդանի պատարագաց Հօր հաշտութիւն վասըն մեղաց,
Ըզփակեալն ըզնախահայրն որ է կապեալ ընդ յանցանաց,
Բացեր դրմա դու զառաքասող, որ ես յաղթողդ պարծանաց,
Եւ զՈրդի արժանացեալ ընդ Հօր տեսեր յաթոռ փառաց:
Ծուներ եղեալ դու հայցէիր ըզթողութիւն անօրինաց
Ամբոխ որ ժողովեալ են վասըն քո խազմարարաց:
Ջքարանց ըզբազմութիւնսն որպէս զօդոց շիթս անձրեաց՝
ի քեզ հաւաքէիր՝ որպէս ծաղիկ բուրաստանաց,
Տունի անմահ իմանալի մերձեալ ի լոյս տեսանողաց,
Ո՛վ վրկայ անտանելի անճառելի մարմնաւորաց:
Բարունւոյն լեր բարեխօս որ մեզ բանայ զդուռն կենաց,
Առ թագաւորն թագաւորաց որ վասըն քո ուխտաւորաց.
Ձի և մեզ ողորմե(ս)ցի յաւուրն ահեղ դատաստանաց,
ի դուչի Գարբ(ի)ելեան հարկանելով զփողըն կենաց:
ի յերանել ձայնի փողոյն անգրը լինի ժողով բազմաց.
Խաշն երեկ յառաջագոյն ճառագայլեալ ի լոյս փառաց.
Թագաւորն իջեալ բազմի աթոռ դընի դատաստանաց:
Չըւարթնոց դասքըն յայտնեալ և երեկն գունդք հրեշտակաց.
Սոսքեալքըն ցընծասցեն քո հետեւեալ շաւղի կենաց,
Ձի յառաջ քան ըզնոսա տեսեր զխորանս երկնից ի բաց.
Ասելով քարկոծողաց, Ահա տեսի զերկինս ի բաց.
Որ դու առեր ըզգօրս երկնից բերեր ի խոր պատուաւորաց:
Չեռամբն ակնարկելով ըզքեզ եցոյց երկնից զօրաց.
Տեսանէք զիմ սիրելին, որ է ուղի սրբոց բազմաց.
Ընդ նոյն շաւղի հետեւցին երամբ անթիւ մարտիրոսաց.
Իմ վասըն այնքո խոնարհեալ իլի յերկիր հողեղինաց,
Թարգանդ կուսին ես բնակեցա(յ), զգեցայ զմարմին մահկանացուաց.
Չամենայն կատարեցի որ ըստ մարմնոյ, բաց ի մեղաց,
Չխորհուրդ անօրէնութեան ի գլուխ հանի ըստ իմում կամաց.
Դիմեցի յերուսաղէմ գոլով ի տուն չարչարանաց,